

EVROPA PRI-

MA NOVA TABULA. Hæc una est ex tribus orbis partibus, cōplectiturq; terram eximie fertilem, habēs naturalem temperiem, cœli umq; satis clemens: frugum, uini & arborū copia nullis posthabenda, sed optimis terris cōparanda. Est adeo amœna, pulcher rimisq; urbibus, castris, uicis & pagis exornata, uirtute deniq; populorum tam præstans, ut lōge superet Asiā aut Aphricam, quam tumlibet illę terrę sint maiores. Est tota habitabilis, præterquam in exigua parte, propter frigoris uim inhabitabilis, quæ finitima Tanaidis et Mæotidis incolis Borysthenēsisq; in cūtribus more uagorum Arabum degentibus. Habitabilis autem regionis id quod est algidum & montanum natura, laboriose habitatur. Sed quod in plano est & naturalem habet temperiem, multum iuuat ea loca quæ asperiora sunt, quandoquidem id quod est in felici regione pacificum omne est, & quod in tristi, pugnax, accipiuntq; hæ gentes aliqua inter se beneficia, dum aliæ opem armis ferunt, aliæ fructibus & artibus morumq; doctrina. Habet enim Europa multitudinem pugnacem, habet & quæ agros colat, quæq; urbes cōtineat. Affert fructus optimos uitę necessarios, & metalla quę cunq; usui necessaria sunt. Odores uerò ad sacrificia, nec nō multum sumptus lapillos extrinsecus petit. Similiter pecudū mitiū exhibet copiam, at bestiarum ferarumq; habet raritatē. Ac talis qdem est natura terra Europæ in uniuersum. Particularis autē pars prima est omnium ab occasu Hispania, quæ ab ortu solis abscindit à Gallia Pyrenæis montibus. Galliam separat à Germania Rhēnus, & alpes in Italia. Post Italiam autem, quæ ad ortum reliqua sunt Europæ, bisariam diuiduntur Istro flumine. Fertur enim hic ab occasu in ortum & in Euxinum pontum, à sinistra relinquens Germaniam, Vngariam, Poloniam, Moscouiam &c. A dextra uerò Illyricum, Dalmatiam, Thraciā, Macedoniam, reliquamq; ultimam Græciam. Præceter quoq; Europæ insulæ, extra columnas Herculis, Gades & Cassiterides & Britanica. Intra columnas uero Gymnesia, aliæq; Phœnicum insulæ, aliæq; Massiliensium & Ligurum, &c.

